

O bianipe thaj o KORONAVIRUSO

Sa e džuvlja so bianen thaj e neve biande čhave, kana isi pakjavipe kaj si pozitivno katar koronaviruso, ani vrama thaj palo bianipe isi len čačipen ko:

- › kvalitetnikani thaj reslikani sastipasko arakhipe
- › proceduripe e respektosa
- › tromalo alusaripe e dikhipasko ko biandipe
- › putardi thaj respektirimi komunikacia e sastipaskere butikerutnenca
- › džovapiale metode e lokharipaske e dukhengo
- › tromalo alusaripe e situaciako thaj miškipe kana si o biandipe



Te isi pakjavipe vaj si čačikani infekcia e koronavirusesa, e sastipaskere butikerutne trubul te phiraven arakhipaski oprema thaj te keren sa e aver samake napia te šaj te ovel tiknjardo o riziko katar infekcia – adava anel kaj von phiraven arakhipaski oprema, a na e džuvlja so bianen.

Trubul vaj na e džuvlja so bianen savende isi pakjavipe kaj isi len infekcia e koronavirusesa te biankerdjojen cezareasa?

Na. I cezarea na arakhel e čhave katar infekcia thaj trubul te ovel kerdi sade kana isi medicinako rezono.

Šaj vaj na e džuvljasa te ovel thaj aver manuš ko bianipe?

Va thaj na. Kodova avel katar i politika e biande thenesko, uzal so i Lumiaki sastipaski organizacia phenel kaj avipe e aver manušesko trubul te ovel dendo sakone džuvljake te mangel voj.

Šaj vaj na o koronaviruso te nakhel katar i džuvli so bianel ko fetuso vaj nevo biando čhavo?

Na. Sar so akana džanas, e daja na nakhavkeren o virusi e čhavage kana si khamne, kana bianen thaj na e dajake thudesa kana den čuči.

Šaj vaj na i džuvli so biandja te ovel ko kontakto mortik ki mortik e čhavoresa palo biandipe?

Va, sa e džuvlja so biande thaj o čhavore isi len šajipe te ovel len kontakto mortik ki mortik, biadhinale kodolestar si vaj na i daj pozitivno ko koronaviruso.

I vrama e biandipaski trubul te adaptirinen sakone khamnjake, thaj te len pe ko dikhipe lake mangipa thaj sastipasko hali.

E informacie ani akaja infografika si ano jekhipe e phirnikane rekomendacienca save si kerde ano oktobar 2020.